

Reykjavík, 4. ágúst 2020

Samgöngu- og sveitarstjórnarráðuneytið
Sölvhólgötu 7
101 Reykjavík

Efni: Umsögn um útfærslu á kerfiskennitölum skv. lögum nr. 140/2019, um skráningu einstaklinga – mál nr. 128/2020.

Vísað er til tilkynningar í samráðsgátt stjórnarráðsins frá 3. júlí sl. þar sem óskað er eftir umsögnum um útfærslu nýrrar kerfiskennitölu. Erlendir ríkisborgarar geta vegna sérstakra hagsmuna hér á landi fengið útgefna kerfiskennitölu sem gefin er út af Þjóðskrá Íslands.

Að mati Hagstofu Íslands er útfærsla í af kerfiskennitölu heppilegasti kosturinn. Í þeirri útfærslu felst að kerfiskennitala verði samsett úr bókstöfum og tölustöfum án vartöluprófs. Þessi lausn felur þó í sér að mikilvægt er að tryggja örugga og áreiðanlega skráningu fæðingardags til að hægt sé að reikna aldur fyrir þá sem skráðir eru með kerfiskennitölu þar sem það mun ekki verða mögulegt á grunni hennar, öfugt við hefðbundna kennitölu.

Hagstofan leggur einnig áherslu á að þess verði gætt að tengsl verði ekki rofin milli kerfiskennitölu einstaklinga og kennitölu þeirra. Það er, að haldið verði til haga sögu þeirra sem fá útgefna kennitölu eftir að áður hafa fengið útgefna kerfiskennitölu. Það skiptir meðal annars máli við útreikning á komudegi einstaklinga til Íslands en það er mikilvæg breyta í opinberri hagskýrslugerð.

Virðingarfyllt,
f.h Hagstofu Íslands.

Hrafnhildur Arnkelsdóttir
sviðsstjóri félagsmálasviðs